

# Prava roditelja i bližnjih

[ Bosanski – Bosnian – بوسني ]

Dr. Ahmed b. Osman el-Mezjed

Prijevod:

Senad Muhić

Revizija:

Ersan Grahovac

2013 - 1434

IslamHouse.com

# ﴿ حقوق الوالدين والأقارب ﴾

« باللغة البوسنية »

د. أحمد بن عثمان المزيّد

ترجمة:

سناد موهيتش

مراجعة:

أرسان غراهوفاتس

2013 - 1434

IslamHouse.com

## Pravo roditelja i bližnjih

Poslanik, sallallahu alejhi ve sellem, je naredio da se održavaju rodbinske veze, te je upozorio na opasnost prekidanja veza među rodbinom.

Kada su u pitanju roditelji, islam je njihova prava stavio na veliki nivo tako da ih je spomenuo zajedno sa pravima Allaha. Uzvišeni Allah kaže: ***I Allahu se klanjajte i sudruga Mu ne pripisujte, a roditeljima dobočinstvo činite.*** (En-Nisa, 36.)

Poslanik, sallallahu alejhi ve sellem, je upitan o najboljem djelu, pa je rekao: „**Namaz u njegovom vremenu, a zatim dobročinstvo roditeljima.**“<sup>1</sup>

Jedne prilike došao je neki čovjek Allahovom Poslaniku, sallallahu alejhi ve sellem, tražeći od njega dozvolu da ide u džihad, pa ga je Poslanik, sallallahu alejhi ve sellem, upitao: „**Jesu li ti roditelji živi?**“ Reče: „**Da.**“ Poslanik, sallallahu alejhi ve sellem, reče: „**Kod njih ti je džihad.**“<sup>2</sup>

Došao je neki čovjek Poslaniku, sallallahu alejhi ve sellem, i rekao: „**Došao sam da ti se zavjetujem na hidžru i ostavio sam svoje roditelje plačući.**“ pa mu je Poslanik, sallallahu alejhi ve sellem, rekao: „**Vrati se**

---

<sup>1</sup> Buhari, br. 496., i Muslim, br. 122.

<sup>2</sup> Buhari, br. 2782., i Muslim, br. 4623.

**njima i učini da se nasmiju isto kao što si učinio da zaplaču.“<sup>3</sup>**

Poslanik, sallallahu alejhi ve sellem, je naredio održavanje veza sa roditeljima, pa čak i ako nisu muslimani. Tako se prenosi od Esme bint Ebi Bekr da je kazala: **„Došla mi je majka za vrijeme života Allahovog Poslanika, sallallahu alejhi ve sellem, a bila je mnogoboškinja, pa sam upitala Poslanika, sallallahu alejhi ve sellem, o održavanju veze sa njom, a on je odgovorio: 'Održavaj vezu sa njom.'“<sup>4</sup>**

Neposlušnost roditeljima je jedan od najvećih grijeha, jer Poslanik, sallallahu alejhi ve sellem, kaže: **„Veliki grijesi su: mnogoboštvo, neposlušnost roditeljima, ubistvo i lažno svjedočenje.“<sup>5</sup>**

I rekao je: **„Allah je prokleo onoga ko vrijeđa svoje roditelje.“<sup>6</sup>**

Poslanik, sallallahu alejhi ve sellem, je o održavanju rodbinskih veza kazao: **„Ko vjeruje u Allaha i Sudnji dan neka održava rodbinske veze.“<sup>7</sup>**

---

<sup>3</sup> Ahmed, br. 6202., Ebu Davud, br. 2166., Nesai, br. 4093., i Ibn Madže, br. 2882.

<sup>4</sup> Buhari, br. 2427., i Muslim, br. 1671.

<sup>5</sup> Buhari, br. 6182.

<sup>6</sup> Ahmed, br. 816.

<sup>7</sup> Buhari, br. 5673.

I rekao je: „**Najbolja sadaka je ona koja je data rođaku koji krije svoje neprijateljstvo prema tebi.**“<sup>8</sup>

Poslanik, sallallahu alejhi ve sellem, je Ukbetu b. Amiru kazao: „**O Ukbe, spoj vezu sa onim koji ju je s tobom prekinuo, daj onome ko je tebi uskratio, i okreni se od onoga koji ti je nepravdu učinio.**“ U drugom predanju stoji: „**Oprosti onome ko ti je nepravdu nanio.**“<sup>9</sup>

---

<sup>8</sup> Ahmed, br. 14781., i Darimi, br. 1617.

<sup>9</sup> Ahmed, br. 16696.